




Chamna Aw

(A Monthly Organ of the Evangelical Synod Church)

Vol. XXXI

No. 11

February, 2017



**2017
Kum
thupi:**

KRISTA A DINGA PALAI

II Korinth: 5:20

Editor: Rev. Thangkhoiem

Chamna Aw

(Evangelical Monthly)

Regd. No. 64436/96

E-mail, e757c7@gmail.com

www.synod church.com

Alak man apat ₹

If undelivered pliz return to:

ESC SECRETARIAT,

Chiangkawpang, Churachandpur,

Manipur - 795158

PIN

--	--	--	--	--	--	--	--

Published by Rev. Thangkhoiem on behalf of the Evangelical Synod Church

Printed at: THAWNSAAU PRINTING WORKS, CENTRAL LAMKA.

CHAMNA AW PHUNGVUKNA DING

1. Chief Patron - ₹ 5000,00
2. Patron Member - ₹ 4000,00
3. Diamond Member - ₹ 3000,00
4. Gold Member - ₹ 2000,00
5. Silver Member - ₹ 1000,00

Chamna Aw

SUOHPAT KUM 1986

a sunga thu umte

- Editorial.....01
- Krista dinga palai.....03
- Kumthak thuchah ginna
Kristiante Night Vision.....05
- Ka kipak sek ngei ie!07
- Pathien guot MLA.....09
- Mi khat mangin inkuon
leh mipite kithenna a um hi 12
- Chamna siem; sapchuom 17
- Khanglai 2017 Khawmpi Report20
- Committee te hihna24
- Lalpa lungna hiel kin!!.....27
- Nang puitu bang ahim?29
- Annual Conference Programme31
- Kipahthu genna leh
pauchampih ding32

EDITOR ANA HITE

1. Upa Lalkhagin	1986
2. Rev. Khaigin Gangte	1987-2005
3. Rev. Lamkhawsat	2006-2013

Vol. XXXI No. 11
February, 2017

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhosiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office
Post Box-54, Chiengkawnpang,
Churachandpur a thak ding.
- Ala nuom leh a man pie nuom te'n
circulation Manager, hetsak ding.
- Thukisuoh cheng hi ESC Ngaihnan
ahi vek khel puoi. Article zikte'n a
mawh a kipuok chiet ui.

PRINTED AT
THAWNSAAU PRINTING WORKS
CENTRAL LAMKA

CHAMNA AW PATRON MEMBER LIST

CHIEF PATRONS:

1. Pu S. Paukholal
2. Ebenezer Chapel
3. ESC Shillong
4. Mr. S.K. Juiliana
5. Nk Sawmte K. Gangte
6. Nk Esther Tinglamkim
7. Pu Thangzago (K.Vawmcha)
8. Langol ESC
9. Mrs Hoiyi W/o Laldawng K.Gangte
10. Upa Letkam
11. Pu (L) Kamgo K.Gangte
12. Shillong Local Missionary Board

PATRON MEMBERS:

1. Pu Henkhojam
2. Sep. L. Gangte 5th
3. Dr. Lalzazdal
4. Upa Niala
5. Pu P. Gangte
6. Pu B. Manga
7. Pu S.T. Gangte
8. Pu Lalkithang
9. Rev. Dr. Soson
10. Rev. T. Kampu
11. Pi Phalneihthiem
12. Pu B.K. Gangte
13. (L) Hengo
14. Upa Dr. L.S. Gangte
15. Pi Niengzalam
16. Pu Sangvung
17. Pu S.K. Gangte
18. Pu Lovejoy
19. Pu Goginthang
20. Pu L. Minlun Gangte
21. Pi Lalkim
22. Hav. H.L. Gangte
23. Ms. Grace Lalbiek
24. Pu L. Neihsiel
25. Pu Lamtinlien
26. Pu S. Thienlaljoy,
27. Pu L. Sawia
28. (L) Lt. Col. L. Gangte
29. (L) Upa K. Manga Gangte
30. Rev.Dr. Th. Lamboi Vaiphei
31. Pu K. Pauboi Gangte
32. Siemlaljoy

DIAMOND MEMBER:

1. Upa Lamkhodem
2. Mrs Felli
3. Moizokim (Chloe)
4. Pu Lama B. Gangte

GOLD MEMBER:

1. Pi Niengneihchoi
2. Agape Children Eng. Jr.H/S. Ithing,
3. Upa Th. Manggul Bunglon 2016

SILVER MEMBER:

1. Pi Sailothangi Thangzom
2. Antioch High School Abicharan
3. Upa Thanglal
4. Upa Lalinthang

- | | |
|------------------|------|
| Chief of Bunglon | 1994 |
| D. Phailien | 2014 |
| Shillong | 2014 |
| Lampfel | 2014 |
| Fujairah,UAE | 2015 |
| Gangte Veng | 2015 |
| Chiengkawnpang | 2015 |
| Langol | 2016 |
| Jiribam | 2016 |
| Bunglon | 2016 |
| Phuolsanbung | 2016 |
| Shillong | 2016 |

- | | |
|-------------------|------|
| Siempat | 1994 |
| Assam Regt. | 2003 |
| Chiengkawnpang | 2004 |
| Shillong | 2004 |
| Shillong | 2004 |
| Shillong | 2004 |
| Shillong | 2004 |
| Delhi | 2004 |
| Dimapur | 2007 |
| Guwahati | 2008 |
| Dehradun | 2008 |
| Dehradun | 2008 |
| Chief of Chongmun | 2010 |
| Chiengkawnpang | 2011 |
| Chiengkawnpang | 2011 |
| Chiengkawnpang | 2011 |
| Shillong | 2011 |
| Kohima | 2013 |
| Shillong | 2013 |
| Shillong | 2013 |
| Shillong | 2013 |
| Shillong | 2013 |
| Guwahati | 2013 |
| Shillong | 2013 |
| Shillong | 2013 |
| SDO H.Q. Veng | 2013 |
| Gangte Veng | 2013 |
| Chiengkawnpang | 2013 |
| Shillong | 2013 |
| Hill Town | 2015 |
| Chiengkawnpang | 2015 |
| Lampfel | 2016 |

- | | |
|----------------|------|
| Chiengkawnpang | 2015 |
| Chiengkawnpang | 2015 |
| Lampfel | 2015 |
| Langol | 2016 |

- | | |
|-----------|------|
| New Delhi | 2014 |
| Moirang | 2016 |

- | | |
|-----------------------|------|
| Old Lambulane, Imphal | 2014 |
| Tripura | 2014 |
| Bijang | 2015 |
| Gangpimuol 2 | 015 |

KIPAHTHU GENNA LEH
PAUCHAMPIH DING

1. Ithing a Agape Children Junior High School Building asiet tak ziek in sakphat ahi. Hoin le sa ding a kisa zing ahiu hi.
2. I council in eiphalsakna bangin Ithing School a ding Rhyme leh Hindi teacher ding khat gel lak ahi.
3. Missionary nasepna a Seva Bharat tawh nasepkhawm dan ding lampi ngaihtuoh ahi.
4. Tukum 2017 ahih Missionary Field haw a seminar nihvei tieng neihpih phasak ahi.
5. Phaibiel numei ten Tripura a Seminar, Date 10-12 Feb. 2017 thasung a nei ding ahiu ui.
6. Phaibiel numei te panlakna a Ithing a Salvation Camp neih dinga guon ahi.
7. Date 5 February 2017 Pathien ni zingkal in Evan. P. Lokeshore in Gospel Music Album asiem, ahawanna Synod Hq. Church Chiengkawnpang ah thupi taka neih ahi.
8. Synod Hq. Church Local Missionary Board ten Missionary khat, Kumar Singh alak beh ui. Missionary tutieng a hih 5 achawm uh ahitai.
9. Pastor Lawrence K. Gangte'n gingthak amuh masak pen Keshov Prasad chuh Pu Lunkholal S.P. Custom in Rs. 4000/- a January tha apat, achawmpat ahi tai.
10. I sapchuom in tukum 2017 January tha apat ROP siemthak chuh amangpan tau hi.

Editorial



“Krista sika Palai ka hiu a, Pathien in kei mau haw ei mangin ahun nget na hiu hi tih theih ahi” “Pathien tawh na kicham un” tia Krista sika ka hun nget na hiu hi.” (II. Kor. 5:20)



Khawvel gambung chuom chuom ten gam dang ah PALAI (ambassador) a kikawih chiet ui. Zie a palai a kikawihte chun, Amau gam chiet thasangin a ding ua, a pang ua, gamchuom a nasemte ahiu hi. Zie nasepna chu ei uh ei kipie hileh ki-at um mah mah ding leh dinmun sangtak chu ahi. India hinle gam chuom chuom ah Ambassador a kikawih chiet a, zie te chuh India gam thasanga ding leh gente chu ahiu hi. Khawvel kivaihawmna zieng ale Ambassador/ Palai kiti chu dinmun sangtak ahi.

Gingtute chu Krista zalin Vankhuo-le-tui hihna nei I hi tau a, zie khawvel ahi Krista a dinga Palai a kawihthe I hi tau hi. Zie nasepna thupi tak hi, Gingu tamtakte'n I kihetlohsakin I deihlo sek ui. Zie chauh chu hiloin, ei sawltu nasan I kilepsan nalai sek ui.

Krista Palai hihna lunggel nei zing kawmin ei mau ki-en chien leh kingaihtuoh thak chiet dingin I kichiel ahi.

Kristien diktak I hiu em? Kristien diktak I hih chun khuoletui hihna chinei nalai I hiu; khatna a, I chennau khawvel mi hihna I nei zing ua. Nihna ah, Van khuoletui hihna I nei kit ui. Zie banga khawpi mi hihna nih nei I hih nau ahin, Khawizawk chuh ngaihkhawk zawk ding ahim? Anih nih a hihna bukim nei thei ding chu I hi ta puou hi. Khat zaw zaw chu I tel dinguh ahi.

Korinth Sapchuomte hile lei mi hihna leh Van mi hihna akibanga a mat guot ziek ua zie thu hi genkhum aum ahiu hi. Zie bang thil hi Sapchuom laka tunglo ding dawl chu ahi. Ei haw chu, zie khawvel ahi Krista Palai hi dinga sapte leh teldawkte I hih tak ziekun Paul in athugen khenkhat ana en zui hitiu.

1. I um nau lei In hi kiphie mahleh Van ah In, khuta sakloh In det I nei ui.
2. Van a pat I chenna ding uh In achuh athuoh a kivanna ding chuh utcha tun tun in I thum/I tau sek ui,
3. Zie phehlevo sapum In a I um sung u hin, I khuoisa nau a, puon silhloa aum I nawp ziek uh ahi puo a, puon silhthuoh I nawp ziek uh ahi.
4. Zie bang thil lopi ei guotsak pa Pathien a dinga Palai I hih nau gel hi tiu.

Zie khawvel a thil cheng cheng hi mangthai vek ding ahi, mahleh Krista a dinga Palai I hihnau nasep cheng chu kumsawt daih ding ahi. “Pathien in A thagau chu ei uh ei pie a, hetpihtu ginum hi dingin ei guot ahi.” Krista hehpihna chun ka chamloin ei sawl ahi” (Chang 14).

Gingtute chu Krista a dinga Palai ginum ahilhloh chun ei pawmtheilo leh hethiem lo ding ahi. Gingtute khawvel thanghuoitak laka cheng a, khawvel thanhuoina a atummang mai chun, bangtia khawvel in eimau ziek a Pathien mu thei ding ahiu em? Zie khawvel thanghuoitak tak leh khawvel sietna lak ahi Krista a dinga Palai I hihna’u miten amuh theih teina ding a panlak apawimawh mah mah ahi.

I um nau khawvel hi sietna, gimtheihna leh thuokna a dim ahi tai. Adam na ding chu Lal Isu chauh a um ahi. Zie chanchinpha gensawn dinga PALAI I hihnau hi kihetlohsak thei ding I hi puou hi. Kumthupi: “KRISTA DINGA PALAI” he zinga Krista a damna thu lopitak hi gensawn zel dinga pan la thei chiet dingin simtute cheng Lalpa’n vangsak ta hen.



EVANGELICAL SYNOD CHURCH ANNUAL CONFERENCE 2017

Thupi : Family Transformation

Amun : Chiengkawnpang

Ahun : 23rd – 26th March, 2017

Speakers:-

1. Rev. Thangkhoiem, M.Div. Executive Director, ESC.
2. Rev. T. Kampu, M. Th., President, AAS Guwahati
3. Pastor Khailalsiam, M.Th. B/S. Saichang Biel
4. Evan. Paukhomang, B.D., Secretary, CKKP.
5. Pastor Mangneihlal, B.D. Area Pastor, Tuilangkuol

Resource Persons:-

1. Rev. Thangkhoiem, M.Div. Executive Director, ESC.
2. Rev. T. Kampu, M. Th., President, AAS Guwahati
3. Mrs. Hawihphal, M.Th., Principal, AAS Guwahati

Sharing:-

1. Upa Dr. L.S.Gangte, Chiengkawnpang
2. Pu S. Thienlaljoy Gangte, ADC, CCPur.
3. Pu Siempi Gangte, Chiengkawnpang
4. Rev. L. Sata, Chiengkawnpang
5. Rev. Henkholien, Shillong

Zie Khawmpi hi I Sapchuom in, anuom thei pen, alawk thei pen dinga guon ahi a, pauchamna a he a, hung pang dinga nang le chiel na hi.

4. Nang Puitu bang a?

Achunga kigen haw; Society, Politics, Doctrine, Pastor leh adang dang haw hin siemkawm umtaklohna gamakhun ei puitung theina ding um? Kingaihtuoh phai tiu. Suohpihte, Israelte le Puitu Mosie kimuonpih in aum ua. Sinai Tang a ava kal kalin, Puitu ding ana kisiem kawm in (Bawngno lim) ana kisiem tau khala. A puitu a hetchet loh ziek un.

5. Zie guol chun tulai gingtute le, ei puitu Pathien hizing ngalin, Lal Isu khawvel nusieh in, nang leh kei dingin, mun siem in Van ah, ava kal a, ei nuhsieh a, ei ladinga hungkit ding ahieh le ei hilh a, aleh ahungkit kala Puitu chuom chuom ana kisiem in, I na khawsa mai tau a. A hungkit tiengleh bang ei lawh taphet dem.

Pathien in a thu vangsak taken.



CHAMNA AW PHUNGVUKTU KIBEHLAP

Naupang Siemlaljoy s/o Sonpee S. Thangjom, Lamphel in Rs. 4000/- ahun pie a, PATRON MEMBER ahi tai.

Zie guola nulehpa, naupang/chate mina Chamna Aw phungvuk nuom, deihsaktu I neih ziekun Pathien min in kipahtu I phuong ui. A Insung uh Lalpa'n vangsak zing hen.

-Editorial Board

KRISTA DINGA

PALAI (2 KOR. 5:20)



-Rev. K. Siemlien

Tukum 2017 sunga thupi dingin, ECCI lawiupate'n 'Krista dinga Palai' (II Kor. 5:20) hih ahun tel ua, thu lopi leh mantam tak, Pathien in Krista zala dinmun lopi tak gingu te ei piek, Sawlchak Paul ngei inle ana phuondawk chuh ahi. Sawlchak Paul in Korinth khuo ahin kum khat leh akim vel Chanchinpha thu ana gen a, Sapchuom ana phutdawk hi. Mahleh a taihsan nungin Sapchuomte lak ah buoina ahung um a, kituok lohna, kikhenchuomna ahung um tai. Zie buoina haw chuh sukdam/siemphatna ding leh Krista lungthim geldawk zing puma pang dinga Sapchuom mite tilkhohna dinga Ephesi khuo apat AD 55 vela a thak ahi.

Palai kiti hih Greek pau a, "presbeuo" tih ahi. Zie chuh Messenger/Interpreter, Upa/elder tihna ale mattheih ahi. Zie Palai (ambassador) kiti hih gamkhat in gamdang khata thuneihna sangtak tawh, na pawimawh tak semding, a sawlte deihdan, a thilguon haw entup a, nasem dinga a sawl chuh ahi. Gam khat leh gam khat kala chamna, lungmuonna aum a, khantohna, thiemna, chitna ahungsan a, hatna, thaneihna nei a, galvan lama melmate tawh kala le chamna, venbitna hawih zaw aumna dinga, palai chuh ahi.

Zie mawhpukna hih pawimawh leh khawktak ahi a, ngaihthah mai mai loh ding, haksahenla, lauhum lele a dinmun leh a mawhpukna dungzui a ginum a, theihtawp suoh a a sepdawk ngai ahi. A sawltu deihdan leh a thiltup hengilh a, mahni deihdan leh phasak dana sep khak ding lauhum tak ahi. Palai chuh a chiehna gam mite thu leh deihdana um dinga sawl ahi puou a, a sawlpa'n amah thasanga, thugen ding, na sem a, entup dinga a sawl ahi.

Leng Solomon hunlai inle Palai ana nei ua, gamkhat leh

gamkhat kal ale thu va gena, hetha dinga sawl ahi sek ui. Amun a mite va entha ding, kichamna thu gen ding leh a dang dang ana umsek hi. Zie Palai chuh mi ginum, mi diktat, lepchieh genlo, tawt bawlo, mi thanuom, taima, a dinmun leh a nasep ngaikhawk ahih pawimawh mah mah ahi.

“Palai ginumlo chun buoina atun sek a, himahleh Palai ginum vang chun thamuonna a tun sek hi”. Prov. 13:17. Palai ginumlo chun a sawltu leh a gama dingin sietna huoisie tak a tun thei hi. Palai ginumte vang a sawltu kipahna leh gamsunga dinga le damna, thamuonna, bitna khantohna tuntut ahi sek hi.

“Palai ginum tak chuh a sawlpa a dingin, buh at laia vuk vawt tak kie tawbang ahi a, a pute lungthim a suthak zing sek hi”. Prov. 25:13.

Masanglai chauh hilo in, tulai hinle gamkhat in gamdang khat ah amah gamsung zieng ale, a gam Palai envoy/ambassador/representative a nei zing ui. President Donald Trump inle USA a ding a nasemtu lientak Attorney General, Ms. Sally

Yates a sepna apat a nawhdawk a, a haihsak mai hi. Aziekhuh, immigration ban, gam gup a phuon khum na thu a, athu a niel ziekin. USA gam thasanga nasem, palai dinga mawhpuokna pieka um nu chun, USA tihdan a dem ziek in adinmun apat haihsak ngal ahi. Ei uh gingtute hih Krista Palai I hui a, amah deihdan leh a thiltup semdawk dinga mawhpuokna pieka umte I hui ui. Ahun sawlpa lunggel leh thiltup na hezing na’ m? Na dinmun leh mawhpuokna ah na ginum na’ m?

“Ngaitie, mi hangsante chun panpihna a ngên tau a. Kichamna siem guon gam palaite chuh hah kah in a kap u a. Lam tuongpите chuh a thip zên zûn a, khuolzin te chun a hawh ta puou hi. Kichamna thugawlhthe chuh suksiet leh mat loh in a um a; thutiem haw chuh bangmah lo a ngaih ahi tai, Gam chuh a kap in a chul zo ta a; Lebanon gammâng chuh zakcha’n a vuoi ta a, Sharon phaicham chuh gamgaw a suok ta a, Bashan leh Karmel chun a nah hing cheng a thingtha zo tai! Isai 33:7-9

“Sawlhak Paul in “Chanchninpha palai thikkhau but ka hi” atii. Eph. 6:20.

NANG PUITU BANG AHIM?

CHANGTEL:- PAWTDWAKNA 13:21 & MATTHAI 2: 9-10

Upa Henlalmoi, Jiribam

1. Nang Puitu bang a?

Israel Puitu dingin Pathien in Mosie, ana goutsak hi. Sun leh Meipi’n, zan leh Meikuongin ana pui zel hi. Tuipi San, Pathien thilhihtheihna’n ahun puikai hi. Sinai Tang a va kalto dingin thu a pie a. Ni sawmli (40) lam ava um mang tai. Israelte Puitu beia um theilo in Mosie umloh kala din, Bongno lim ana kisiem tau hi, ahung hak bek ziekin.

2. Nang Puitu bang a?

Isu hungpien in Suohlam Michingte, suohlam apatin, Aksi chuh Puitu dinga piek a um in, ahun zui tau a, hun zui zel in, lam sautak, hun hawh in, Aksi a Puitu chuh, en zingin ahung tau a, lamkala khawvel chitna, hetna thil chiehdan, Dan leh Muol hawlin, amau ngaihnan ahun matphet un (Leng Herod) ana dawng tau a, ana he puoh a, a lungzing ta a, ahung pawt kit uleh, Aksi chuh a mukit tau a. Bethlehem bawng in chung ah ading zing ta a. Aksi a muh uh

a, a puitu dawnlo a, a hetnau; Dan leh Muol a mat ziek un, Nausen tampi’n a thih lawh a, kah leh mauna’n, Bethlehem leh asehvel afang suok hi.

3. Nang Puitu bang a?

Tuni, tulai Sapchuom, Society, Gingtu, Kristien kitite cheng cheng I Puitu, hih bang pen ahi dem vak en hitiu;

- a) Society Puitu a nei,
- b) Kristien Puitu a nei,
- c) Doctrine Puitu a nei,
- d) Wokerte Puitu a nei,
- e) Sapchuom Puitu a nei,
- f) Sapchuom lamkaite Puitu a nei
- g) Pa leh Nu Puitu a nei,
- h) Sumlepai Puitu a nei,
- i) Chitna, hetna Puitu a nei,
- k) Thudik kimkhat Puitu a nei,
- l) Gukhahna Puitu a nei,
- m) Upa ahih Puitu a nei,
- n) Damtheihna Puitu a nei,
- o) Damlohna Puitu a nei,
- p) Muhtheih thil Puitu a nei,

Pathien sanga ngaihkhawk leh I mamawhteu ei pie a, ei hihsak thei dinga I kineppih uh atam tai. Akhawk ngei ie! Kristien tamna leh Pathien mimat tampi kipatdawkna muna te lunggel leh umdan dingin.

v-16. Zie mite chuh a kipandawk ua, Sodom khuo lam chuh a en ua....

v-22.mite chuh zie apat chun a kihei ua, Sodom khaw lam chuh a zuon tau a. Zie zinglai chun, "Abraham vang chuh Lalpa ma achun a ding zing a." Khawvel mite'n Sodom khuo zuon zung zung mahleu, Lalpa a dinga ginum, Abraham guola Lalpa ma a ding ding kuo a um?

I buoinau leh haksatnau

apat ei hukdawk a, melmate ei zawhsak a, I ding ua lampi pha pen ei siemsak thei Pa Pathien lam et sangin, I haksatnau a ei panpih dinga Delhi lam, mithiem mipilte I vak kineppih zieng sek uhuh, Kristien, Pathien chate panlak ding dan ahi na dem tih ngaihtuoh thak leuhing ut aum mah mah hi. I utchak uleh I deihdan tak uhin hungtung leh I phatchuompih sang un, I manthai lawh dinguh ginchak aum hi.

Gentile Pathien hing holo, ngaihsaklote guola sukmanghai leh gawt dingin kiphah puoi tiu ie!! Abraham in a khawksakna guola Pathien mite khawksak a, Pathien lung-awihna hawl lawiupa/mipi hidingin Lalpa'n a hun deih hi.

- * Pathien tello a chapo taka pau te khuh milungsiet um ahiu ui. Amaw theihna a bangmah hihtheih neilo ahingal ua.
- * Pathien tawh umkhawm khela thamun um leh bit aum theipuo, Aman imamawh bangkim ahe ngala.

"Chanchinpha gen mah lengle, suon ding him him ka nei puoi, hih makmawh ding ka chung kinga ahingala. Chanchinpha gen kilengla ka chung gik ding ahi ngala" I Cor. 9:16

"Nangle, tua na dinmun, na sepna, na umna chuh, Pathien in mangthaite kawma chanchinpha thu gen dinga, palai a ahun kawih na mun chuh ahi."

KUMTHAK THUCHAH GINNA-KRISTIENTE NIGHT VISION

Rev. S. Gangte
GTA President

Ginna (Taksanna) hi Pathien thutiem, Bible thu sinsakna a kingak ngamna ahi. Ziea I kingak chun hung gitung lohleh tia lampi dang mawng mawng gello a zie thutiem suongpi chung kingaka, ngak ngamna chuh ahi.

Ginna hi i inchenpih ding, khuolzinna a i zinpih ding, i khawsakpih ding ahi. Ginna hi doctrine (thugin ka ginchak) dan mai mai a mat ding hilo in, lauh umna mun a le i mat ding, taksapna huna le I lungmuonpih ding, damlohna leh thihna huna le, Ginna, Pathien a kingakna ahi. Ka gingchai tia thamuong dieklo. Ngak hatna neilote chu aginna chuh activate (sukhin) hilo, tha neilo, athi tawh kibang ahi.

Night Vision tih hi, tulai a sepaihten zan a khomuhna ding a kisiem ahi. Zie Night Vision chun zanthim nuoi ah lampi chiehna ding, thil lauhum (bomb thang) a umle le muhtheih ahi. Sawlchak Paul in II Korinth 5: 7 a "muhtheih a chieh hilo in, taksanna a chieh i hui hi" atih hi tu kum thak bangmah tik a I muh nailoh lampi thak leh, thimtak i hawhna ding ua Thagau lam mit (night Vision) chuh ahi. Ginna hi thagau gam a i khosakna dinga pawimawh pen, khut leh keng leh kivennading a

I thupi a Ginna-Kristiente

pawimawh ahih chauh hilo in, kumthak i lutna ding a i bitna ding ua, Pathien in Israelte sun a meitang, zan a meikuong a a puihna tawbang ahi.

Zie taksanna chuh kumthak i lut ua pata i gamman lohna ding ua “Compass” Sim leh Mal, sak leh thang ei kawkuhtu matchak chuh ahi. Mi tamtak hi i kitiem sek ua, hih ding hihloh ding, nek ding nekloh ding i tiu a mahleh dam sung khawsak haksatna zieh leh duhamnan i kitiem nau apat in, i gammang sek ui. Pathien chuh i buoinau leh haksatna a i muon zawh loh ziekin muhtheih panpihtu ding i ban hawl ua, Baal milim, Israel te’n Pathien gamla taka ngai a, muh baihlama a ngaih uh, milim aho u tawh kibangin, zuok theihna, nekmuh guot, thil khap hile le thakhat a sum muh theihna i bawh pai pai ui. Pathien chuh ngaktun tun hiting uh, a man zahhuoi manlo a ei hukdawk ding ahi a. A thutiem a i na petmang man loh nak u chun ei hengilh puon a.

Ginna chuh lauhthawngna bang tawbang um lele Pathien thutiem suongpi det tak chung a i dinzing chun, zahhuoi manlo a ei hukdawk ding ahi. Pathien

in i hinna chuh ana limbawl hi. I ginna hih Pathien limbawl na ahi a, Pathien inle i ginna hi ana ngaisang in ana limbawl hi.

Chuleh Ginna hi hukdamna, ding chauh hilo in, lawngtawl ten tuisuohgiet a khawilam hi khawilam ahim tih ahet sek loh zieh u leh “Compass” aneihmau a agamman lohna ding un “Pole Star” Mal Aksi amat tawbang uh ahi. Damsung khawsak; nawklak leh gammang laka, khawvel buoina leh insung taksapna leh nat leh sat apata I gamman lohna ding in Lalpa Isu hi I ginchak ding ahi. Ama’n a sinsakte abuoina cheng ua, a vilthak banga, amah ngaina a, muokte chuh huntin in aviltha zinga zahhuoi man in, hun thahtham puon a.

Muhloh gam ading a I khuomuhna chuh I ginna hih ahi. Kumthak muh nailoh ni 365/366 sunga I chieh suol lohna ding un Pathien thutiem Bible sunga nang dinga kituokpen chuh tuchak leh chin, kumtung in muolpho in um puonla. Pathien chuh athutiem chauh a tukden theih ahi. Theihche leh zulei man ding in azawi a thang kam ding ahi. Pathien le azawi a (thutiema) I mat-tang theih chauh uh ahi.

LALPA LUNGNA HIEL KIN!!

(Gen. 18:16-33)

“Aw Lalpa lungna hiel kinla..... zie tak achun sawmkhat bek na mukha mawh die”

Sodom leh Gomorah hih Moab gama um khawpi lien leh minthang tak ahiu hi. A sietnau huoisie tak in Pathien lungnatna sukha ta, Pathien in a gawt a a suksiet ding thu Abraham kawma a gen leh Abraham in suksieta aumloh tei tei na ding lampi a ngaihtuoh a, Pathien kawma a ngetna thu ahi.

Sodom khawpi hih mite ngaihsan, chiehloh a a mun a chen loh khak ding a lauh mah mah nau mun ahi. Sumlepai atam a, zu leh sa a nawpchenna mun, Numei pasal thanghuoi taka kipawl a, zahhuoi muolpho khawksa lo a, ut ut a um theihna diktaka vaihawmna umlo, khawpi zalen tak chuh hiding ahi. Gentile te chenna leh Pathien hing helo, ngaihsaklote chenna khawpi ahi.

A khawpi hih bang tiengin sie henla, ana gilo ta mahleu Pathien in a gawt a, suksieta aum ding uhieh Abraham in angai thei

puoh a, hukdawka aum theihna ding uh lampi hawl in a ngen tuntun hi. Mi 50 tieng aum leh gawtlo ding in a ngen a, a mu zo puoh a, 45-40-30-20-10 tieng bek um dingin kinepna a nei a, mahleh midiktat sawmkhat tiengle a umloh thu I muu a, Lot leh a Inkuonte khale a ban changun a kaidawk ua, zie taka chun le Lot zi’n Sodom khawpi a nung et ziekin chikhawn a suok nalai hi.

Abraham guola I chung ua Pathien lungnatna huoisie tak hungtung ding khawksa a, Pathien buona pang tuntun I mamawh na maizen u e!! I chung ua gawtna huoisie tak hungtung ngei ding chula ahi ngala!

Tulai a, Churachandpur khawsung I buoinau leh I chennau gamsung dinmun I et tiengleh, Sodom khawpi sang hin phazaw talo dingin ngaihtuohna alien mah mah tai.

- 7. Auditorte'n dit ngaia ahet uleh a dit zieng thei dinga kitup taka a zik ding ahi.
- 8. Sum lut leh pawt Finance ahawh malam sak ding ahi, Finance hetpih loh chuh ama'n a dit ding ahi.
- 5. Party dana agenda genloa a case dungzuia mahni muhdan gen ding ahi.
- 6. Thu kigenhaw mi vantang laka mawk genzak loa mi kisumthei ahih ding ahi.
- 7. Agenda khata, khatvei a gen nunga Chairman in hun a piek kit loh chun a lungnat loh ding ahi.
- 8. Mipi thasang ahih a kihet zing ding ahi.

MEMBER hihna leh a dinmun:

- 1. Thu a gen ding chun Chairman kawma phalna a lak ding, a piek tiengleh thugen pat chauh ding ahi.
- 2. Vaihawm pen ahiu a, mahleh Chair lam zahna nei kawma thiemthei taka thu a gen ding ahi.
- 3. Mimal thila member dang suohsalh loh ding ahi.
- 4. Agenda a tel chauh gen ding ahi.

Committee Member cheng in ei hihna I kihet bana, I member chanpihte hihna hetpiha, kizah tuoh taka vai I hawmkhawm theihna ding un Lalpa'n chitna lunggil ei pie chiet ta hen.

Chamna aw hi subscribe a, Articles a hun pie zing ding in leh subscriber ding hun hawla sponsor hun bawl zel ding in, chun aphung vukna ale pang dingin na tawmngaihnaui leh deihsaknau Pathien min in ka hun ngen ui.

- Editorial Board

KA KIPAK SEK NGEI IE!



- Upa Dr.L.S. Gangte

Mihing in phunchiekna ding leh lung-awihlohna ding I hawl leh kitasamlo ding ahi. Mithiem I muhleleh ei thiemloh kihe, mihausa I muh leh ei chatgah kihe mi hawih I muh leh ei hawihloh kihe, michate chitzie I muh leh ei chaten a phakloh zieu kihe. Mi mopha I muh leh ei a khutilo tih ding umzel, mi In hawih In pha I muh leh ei a hawihlo kisa, mi chaten a nu apa thu a ngaih zieu I het leh ei a khutilo, mi paten azi a lungsiet dan leh mi nuten a pasal phat zie a gen uleh ei a khutilo, mi insung kituok zie I hetleh awchak um kisa, zie a kigen khalo tamtak haw zieka hi lung-awih loh theihna atam hi.

Mahleh I gel beksekloh kipahna ding tamtak aum hi. Thilchuom chuom ah kipaklo in um mahleu hing I kipah zing theihna dingun I taksa chung chang vak ngaihtuoh hitiu.

theihna thu ah. I khut leh keng mangtheia umna thu ah, muthei leh zathei a umna thu ah, taksa (tibak kimte dingin) kipahlohna ding aum die?

- 1) Zingtho thei a I um a damtaka khawvak I muh theih thu ah.
- 2) Zan khawvaka mit kisinga I mit thim den taleh kilawm khuo mukit theia I um thu ah.
- 3) Zun thathei, daileng thei, pauthei, genthei a umna thu ah. Malai a I melhetsa haw hetdawk leh het naklai

- 4) Nethei, dawntheia umna thu ah Pathien vangsakna haw zieka kipak guolo a I chanloh cheng awtcha, vangsie kisak hi mahni kigawtna leh gimtheihna mai ahi zawi.

Lung-awilo, kipaklo a umsangin vangsakna I chan haw hi khat khatin simleu hing dahna sanga kipahna tamzaw ngei ding ahi. Bangtin lung-awilo leh

kipaklo in umleu hing le Lalpa'n eipiekloh chun phachuom puon tin kuoma'n ei panpih thei diek puona. Mi kipaktheite chu mi nuomsa ahi mai ui. I dinmun hi eimau thua um aum puoi, ei siempa thu thu ahizawi. Hethiem chiet leu hing chu aw Lalpa lam ngatna'n kimang intin damlai paradise a urn hirnai ding I hiu hi.

Pathien hin kuomah akhen chuom puoi. Mi hausa, michangah, mithiem leh mi mawlte dingin hun (time) kibang a pievek hi. Nikhat sunga zingkal, sun leh zan kibang in ei pie chieta bang tawbanga ching leh thiem leu le chagahte sangin hun a mang sawt thei diek puou a, mi chenga dingin dakkal 24 piek I hivek ui.

Mithiem leh hausaten hun leh phat mangsau deuh uhenla, chagah leh mimawltan mangchawm deuh leu chu ki-awih umpuontin khutichu ahiloh

ziekin Pathien in deih chuom aneipuoi, chan kibang chiet in ei enkawl ui tih akilang hi.

Ka hihtheihloh, ka suklamdang theihloh cheng Lalpa'n ei hihsak sek haw hi ka gel tieng leh ka kipaksek ngei ie. Lalpa chungah ka lung a awi hi.

Damlo a ka um in damna ei pie a, nelo, dawnloa ka um ding ei phal puoh a, gawt muna ka chieh ding ei phalpuoh a, kumsawt a ka hinna ding Lalpa Isu ei pie a, adang bang a ka ngetbeh ding ka tia, phunchiekna ding um in ka hepuoh a, zieziekchun Lalpa ah ka kipak sek hi. Zeziekchun, Lalpa chuh bang kapie thuk die? Ka chung thu ah Lalpa lim bawl in um zing leh ka nuom hi.

Ka gitlohna cheng ei ngaidam a, ka thiemlohna ah thiem ei chansak a, a cha deihtak in ei pawmta a, a goluohpih ding a eiguot ziek in ka kipahna ka gen zo seng puoi.



10. Taih leh pan a thuoh ding ahi puoa, mahleh Dân khel ah Lungsietna aum hi, tih a hetzing ding ahi.
11. Mi piting – thugen ah, lungthim ah, tup leh guon ah, amah kimuongngam, mi gen phawt gingcha zieng ahiloh ding ahi.
12. Lungna kawma thu a tanloh ding ahia, a ki-awihna pen le amah utna pen guola a tan ding ahi.
13. Sapchuom hi Dictator a kipuo hiloa, Lungsietna a kipuo ahia a hetzing ding ahi.
14. Agenda cheng ah Pathien leh Sapchuom dan akalh kha dem, tih a ven zing ding ahi.
15. Memberte laka ngaihnan kibanglo atam ten chun ,vote a lak ding ahi.

SECRETARY hihna leh a dinmun:

1. Lehkha ziktu ahi a, a sep ding chu zik ahi.
2. Chairman thupiek banga meeting ding a phuon/hawp ding ahi.
3. Member adang banga a ngaihnan a tuoktam takluot loh ding ahi, genmawh hiel tihna ahi diek puoi.
4. Chairman in thupukna lâk ding a tih dantaka a zikthak ding ahi.

5. A nunga hunsem dingte ettheih dinga file a suktup ding ahi.

FINANCE Secretary hihna leh a dinmun:

1. Cash Book matdan a hetloh chun, mawhpuokna a lak masanga a het masak guot ding ahi.
2. Sumlut leh pawt phataka a record zing ding ahi.
3. Sumlut leh pawt phawt chun amah a hawh malam ding ahi a, a hen/kawl ding ahi puoi.
4. Sum a kitimzo mi ahia ding ahi.

TREASURER hihna leh a dinmun:

1. Ziktheilo, simtheilo, Hisap thiemlo ahia chun, “Kei pangthei puongka a tih ding ahi”.
2. Thu leh la ale vantang heta mi ginum ahia ding ahi.
3. Sum lut leh pawt tiemtehna dinga ani atha tawh kituoka a zik tuok zing ding ahi.
4. Committee hetloha sum mimal a matsak ding ahi puoi. (Mihing mâi enloa, diktatna a et ding ahi)
5. Pathien sum enkawltu ahia a kihet zing ding ahi.
6. Thu leh la sangin sum in mi lung asukha zawi tih a het ding ahi.

COMMITTEE TE HIHNA

Pastor Th. Mawia, BS.



Lalpa sapchuom haw hi Belam te guola ahawn hawna takhawm dinga guon I hiua, zieziekchun Sawlchakte hunlai apat in a enkawltu ding Committee hi guot in ana um ta a, tuni tieng in Local NSSU apat in Executive chan in Committee tamtak I um tau hi. Chanchinpha, phatak tak Pulpit tang ah kikopih leuhingle vaihawmte ahung fellow tieng uleh mipi abuoio tho tho sek ahi. Tuni tieng in chu lawiupa fel tak tak, nung le ma muchien thei tamtak I nei tau a kipak aum hi. Mahleh, senior mah mah hile le a dinmun ding kihet thei nailo aum theihna ban ah, Committee a tel pan pan I tam naklai ziek un, Committee tin in amau dinmun chiet a hetna ding ua hun kisulang kit ahi.

Chairman hihna leh a dinmun:-

1. Meeting hun ding leh agenda ding haw Secretary a hetsaka, Memberte kim manna dinga a hawpsak ding ahi.
2. Meeting control tu ahia, memberte'n Committee a ngaihnep khak ding a ventup zing ding ahi.
3. Thutan ding ahieh ziek in, a gentam pena pang lo a, memberte thugen phataka a ngaihthak ding ahi.
4. Memberte zalen taka agenda a gensak a, atamzawte deihdana a tan chauh ding ahi.
5. Memberte uoh chuom, ngaihnep chuom neiloa, a right uh a hetpih zing ding ahi.
6. Thubuoio aum chun midang sietloa, amah ngei in thutawpna a siem ding ahi.
7. Meeting na muna memberte aw sanga a kihotuoh sakloh ding ahi.
8. Agenda khat akigenlaia mi khatin dinsa a ngaihndan a gen nungin, member dang a gen nuom aum chun, a gensa chu nihvei a dinsakloh phawt ding ahi.
9. Thulai hethei leh thu chiehna haw gelzing kawma, thutan thei mi ahieh ding ahi.

PATHIEN GUOT M.L.A

Unionthang Gangte
Lailak, Mizoram

Pastor te zik ding hileh kilawm tak “Kitelpina Thuchah” hun suklat ka nawp chu zie bang hin ahi. I lak ua kuo ahim khat bekin Pathien dawng kawm a vote ana khiek khak palh a, malsawmna leh lawkna atun theih khak palh leh tin, hun leh amun in le a zil bawka, ka hun zik ahi.

Hitibang hin ka gel a; I Constituency a candidate lak ah hin, Pathien guot aum dem? Pathien guot hilo ngawn candidate theih ahi dem? Ahiehloh leh Pathien in, candidate I neih te'u apat in a duhthusam umlo mahleh, kuo ahim khat, A tel vemai sek ahi dem? Bang tin a Pathien tel, candidate te I hettheih ding tih leh I tel dawkh theih ding uh leh!!

Zebang hin lunggel hileh, constituency chenga candidate lak ah “Ka lungthim bang pu mi tikhawp a gen theih ding umlo ahieh lele,” “zehaw hi a thip hiet hiet u chun suong chang bek, in agen ngai in a.” Titu Pathien ahieh guolin, candidate te lak apat in kuo ahim khat bek Pathien in a tel ginchak aum hi. Zechauh cha

chuh, Pathien lungnawpna ding pen kha ahi, ka vote ding chuh. Ze tawbang hin lungthim siem leng, bang party ahi? tih te, khawilam mi ahim? Bang sapchuom ahim? In kuon naivai deuh ahim tih hawhi tehna mawlh hi dah henla.

Tehna khatna: Ka sie leh pha hetna thieng penmangin candidate tin teh leh buk hi henla. Tehna leh bukna chuh Pathien tawh kitimat mi ahinam? Tih hih bukna apawimawh pen hi henla. Genthim ahak ngei mai; Pastor, Evangelist leh sapchuom committee te apat hinle bang ahim tieng chu pathien guot chu ahiet theih tho hi. Ka vote khat chauh manga Pathien guot ngei ka piek chuh Pathien nasepna pawimawh tak in ka ngai a, ka tup pen le ahi.

Chamna Aw

Tehna nihna: A nungchang, a lunggel dan leh a mi zie him-him ah, insung mi leh amah sang a Pathien, gam leh nam a ding ngaisang mi ahi nam? Tih hi tehna suong pen chuh hi henla.

Ziebang mi chuh vote ngei ingka, Mahatma Gandhi leh Abraham Lincoln te haw chanchin I he zing ui. Mi amah kihengilha Pathien leh gam leh nam ngai pawimawh mi chuh het theihna tam tak ah um in a. Party tarmit but kawma I et tieng leh candidate te hihna dik tak hi muh chien ahak sa mah mah ahi.

Tehna thumna: Adik/adiklo/afel/a fello tih ngaih tuohna um sese lou a tin tum ngawt mi ahim? Dik tak leh fair takin bawl ingka ting, aban ah Pathien thu thu tia kingai ngamte mi ngaih san um ahi. Vote dingle ahi. Mi lungthieng tâk guol a, kingainiem puon silh kisilh a, vote chawk ding hawl a, bawkvak bang zieng, kitiem theihna chikim ale kitiem ngap, politics a khelh a khel tawpmai chi vang, ngaihsan aum puoi.

Tehna lina: Angaihna hemi ahi nam? Gam leh nam nuk-gui

khawih a mawhpao ding telding I hih ziek un; motor le driver thiemlo, driver seat a chutsak ringawt hi guo dah phawt leng. Michate'n aksi kaih a guot lai u a, gam leh nam sum manga ei mah kivak thauna ding chauh ngaihtuoh – MLA taka khut nungpuok a phun viel nuoh nuoh M.L.A. naran teldawkhak ding a lauh um hi.

Bible apat, Rom 13 ah vaihawm-tu Pathien guot ahih dan leh vaihawmte thu thu a umding dan a gen hi. Vote khiek hih sathau nuh ahi. Israel leng ding tiemtehna khat in Bible ah aki mui. Ngaih pawimawh theih tak ahi. Isu Krista vangin ei uh gingtute hi pathien in thiempu leh zawlnei in ei siem a. Thiempu leh zawlnei nasem a, mawhpaw tu te I hui. Zawlnei nasep pawimawh tak chu, gamsung a vaihawmtu ding Pathien guot “lal” vote ahi mai hi.

Saula chuh a lal hihna apat paih a um in Jesai chate lak a mi lal din a tel tih zawlnei Samuela chu Pathien in a hetsak a, khutichun Pathien guot lal chuh sathau (vote) dingin Bethlehem ah sawl in aum ta a.

Chamna Aw

Project Committee le Annual Assembly ah guot ngal ahi. Khawmpi kit ding chuh 2020 leh mat ding ahi a, amun leh hung ding awl a sukfel ding a kawih ahi. Khanglai -17 Conferance budget ding in Rs. 15 lakh guon ahi a, mahleh Rs. 19 lakh tieng muh ahi. Khawmpi mat zawh tieng in matval balance 11 lakh vel aum nalai hi.

Khawmpi dang tawh akibat louhna chuh Dt. 19/01/2017 tunkim himahleh Dt. 16/01/2017 ni'n, Rev. Thangkhoiem, Executive Director, ESC leh Khawmpi Co-ordinator, Evan. Paukhomang leh a team te leh Synod HQ. Church Choir te gari 407 thum tawh bolero nih atung kim ui. Aloutheilo in Dt. 17/01/2017 apat in mess le aki hawng pan ngal hi.

Tutuhin Khanglai pumpi 1865 I phau a, khanglai tha pie

thei zah chuh 985 I hui hi. I umna chiet ah I vanglai niteu Lalpa a ding a mang a, Sapchuom te nuoi dou in pang cheit hitiu. Chuleh, Lalpa'n khanglai te sepna hawih tak tak government, company, sepaih hileh lam chuom chuom a sumkawl vei te'n Pathien I ngaikhaw u a, ziehi I hatnau thuguk khat ahi.

Awle muntin, gamtin a kristien khanglai umte Pathien in I mau pui henla Khanglai 2020 mang thei ding leh Lal gam nasepna a zie sang a pan la hawih zaw sem sem dingin I bawn un Pathien in ei pui zel ta hen.

Khanglai -17 Report chawmkim tak a I vak bawl theih sun sun u chuh zie cheng hi taken.

Gen khelh gen val gen tinlouh aum leh ngaihdam! Khanglai Damsawt hen!

KHANGLAITE - KRISTA A DIN !

- 2) Pu S. Thienlaljoy Gangte, ADC, C.C. Pur. *Khanglaite nasepna a ginumna leh thilpiek.*
- 3) Pu Henminlun Gangte, Regional Co-ordinator of ITPC, South Asia, New Delhi. *Khamtheih bawlte chung a khanglaite mawhpuokna.*

Resource Person te:

- 1) Rev. K. Siemlien, Director, Mission & Evangelism, ESC. *Missions Opportunity.*
- 2) Pastor T. Golienmang, Missionary to Tripura. *Jesus and the core of His Mission.*
- 3) Rev. T. Kamgin. *Khanglaite leh umdanpha/chawndanpha.*

Amau haw hin a hunteu phatak in ei sukpitit sak u a, Speaker te leh Resource Person te vang khat le athawn umlo a ahung kim ziek unle Pathien lopina chang hen. Athu gen teu in khanglai te lungthim achawkthou a, khanglai tampi Krista ading in a kipieu ui.

Finance & Commercial Sub-Committee, Information & Publicity Sub-Committee, Programme & Activities Sub-Committee, Hospitality & Ushering Sub-Committee, Mess

& Refreshment Sub-Committee, Light & Sound Sub-Committee, Transportation Incharge, Souvenir & Publication leh Construction & Decoration Sub-Committee te mahni mawhpuohna chiet ngai khawk a pan I lak nateu Pathien in ei vangsak uh ahi. Chuleh, Khanglai-17 adinga tiemteh tak diek Pi Parpui Gangte Shaw HR Officer, Etihad Airways, Dubai leh I.C. Project in Rs. 3 lakh gel in Conference ahun phungvuk ui. T-Shirt, Calender, Muffler leh lukhuk Khanglai-17 panpihna a ana chawte tieng in I pankhawmna'u suklatna ahi a, zieziek achuh Conference thupitak a mang thei I hui hi. Kikhen nitak a in zuon nuom um talo a, Khawmpi khak zieng thei lo a zan 12 a I khak ham ham thieh uh khah hetzing tak ahi. Khanglai-17 Conference gah dingin Pastor quarter, Phaijang a sak ding kitipen le date 22nd January, 2017 (Pathienni) sun in amun ding suong phumna Rev. T. Kampu, President, AAS, Guwahati, Assam in anei a Pathien kienga lhatna Rev. Thangkhoiem, Executive Director, ESC'n anei tai. Chuleh,

Samuel ma ah candidate sagih a hung kilang ua, Jesai chapate laka upa-pen Eliab chu ahung kilang masapen a, Samuel chun, 'Lalpa guot chuh hingei in a' tin thau a nuh guo ta mai a. Himahlele Lalpa chun, "Amel lam ahim, asan lam ahim en kin, amah hi chu ka dieh lo ahi. Lalpa'n mihiem etdan in ka en puoh a, mihiem in pawlam latdan in a en sek hi. Lalpa'n lunggil lam a en zaw sek ahi. Lalpa'n lunggil lam a en zaw sek ahi." tin ahun hilh ta a. Thau nuh ding chuh a sût kit tai.

Zeguol mah chun, Jesai chapate sagih zet chuh Samuel masang ah ahung kilang diet diet tau a. Samuel mit a chun Lal dinga deih um tak chiet ahiu a. Pathien aw ngaithalo a tawi zing chi hile vang kuo ahim khat chuh thau vanuh ringawt intin. Mahleh, mahni ngaihdan kawih heh a , Pathien aw a ngaihsak ziekin a bawl khiel lo ahi. Mi khat chauh thau nuh ding chuh Pathien deih dan in a hihbuting thei tai.

Atawpna pen ah Pathien guot, Pathien tël naupang(tanglak) David chuh a nasepna van tawh a hung nak nak a, Samuel masang

ah a hung ding ta a. Tichun Pathien in Samuel kawm ah, "Tho inla thau nuh ah, zepa ngei hi ahi." tin ahun namdet a. Samuel chun thau chuh anuh ta a. Lalpa thagau chuh zeni apat chun nasatak in David chung a chun a tung tai.

Vote khiek hi sathau nuh nasepna khat ahi a. Khaile gun takin ngaihtuoh in Pathien deih dan leh Pathien guot ngei vote guo chiet hitiu. Zawlnei Samuel hiel inle David unaupa Eliaba, Abinadab, Sama te thau a nuh khielh vang vang mai chun, eihaw party a lunglut a diklo tak a mang sek te hin chuh, Lalpa tël hilo haw pouh sathau va kinuh suol lem-lum sek venti tih ginchak aum hi.

Pathien aw ngaitha a, ngak zelin, vote khie leu hing, Pathien guot ngei tel tin guoituu ie!! Pathien guot ngei I tel tin chun, Lalpa thagau chuh zeni apat chun nasa takin David chung a ana tun bangin, i M.L.A. te'u hinkhuo ah a tung ngei in a tih ginlah a umpuo a, a phatchuom pih ding chuh nang leh kei bawh hiding I hui hi.

“PRIOR PLANNING PREVENTS POOR PERFORMANCE” (P5)

MI KHAT MANGIN INKUON LEH MIPITE KITHENNA AUM HI



Rev. Thangkhosiem

Mi khat, amin Ditt kiti Punjab acheng aum a, Amah chu Hindute chun sukkhaktheihloh (untouchable) tin agen ui. Amah chu Chugras nam ahi. Ni khat chu Isu Krista chu hukdampa, gitlohna neilo, Pathien chapa mihinga hung suok, thilpha hiha um ahih dan chanchin hi ahea; Miten hukdamna amuh theihna ding ua Kross a hung thi ahi tih ahun he tai. Ditt chun **“Zie bang Lalpa chu kenle ka deih hi. Amah chu migilote lungsieta hukdampa; Pathien hihna thutak sinsaktu, chuleh nam niem leh namsang kikhen lohna sakhuo chu ka deih hi”** tin a gen hi.

Zie hun akipat chun, Ditt chu, Pastor ahim, thugentu ahim amuh phawt leh Isu chanchin hetbeh nuom in akisazo zing hi. A kinaihiphna muna Kristien umte chu a va tawhtha seka, zie akipat chu Thu sawmpiek, Sawlchakte Thugin haw leh Lalpa pauchamna chu a zil hi. Zie haw cheng chu a lungthim ah akawih a; chun aumna akipat mel(miles) 25 a gamla Mission In (Sialkot) kiti achun a chieh hi. Zie a Pastor pa kawm a chun Baptisma ka chang nuom hi ava ti tai.

Pastorpa chun a kawmah **“Sialkot mun ahin tha khat/**

thanh um inla, Ho-in kai inla, zil beh nalai in, ziezawh chuleh Baptisma hun chansak ingka” atih leh Ditt chun **“Hepu, Baptisma channa dinga apawimawh cheng ka he tai, zie mun ahi um thei ding ka hipuoi, nasep ding ka nei hi. Ka Inkuonte chun ka kilehkit ding hi ei kineppih ui. Lungsieta takin Baptisma ei chansak mai in”** tin a gen hi.

Chun, Pastorpa chun holimpah in thil bangkim a khuoltuok a, Baptisma chang thei ahi nai, Thu Sawmpiekte, Thuginte, Lalpa pauchamna haw bangkim ahe a, tichun Baptisma

committee te'n phatak chan Khawmpi conduct abawl ua, hun mawk mat leh chim um hiel aum puoi. Choir haw lasak a thupi thei a, la thak thak tawh ngaih chim loh leh sak sen loh in Khawmpi aki khak khum mai hi. Lasa dinga kichiel, Nk. Tracy Ngaihching leh Nk. Lalparzo te'n le tihtak-tak in pahchakna la ei hung sak sak ui. Kikawp chengleh Khanglai-17 adinga sum hun thawh; Diamond, Emerald, Ruby, Sapphire & Pearl sponsor te memento piekna aum zel a, Rev. T. Doukap in sponsorte cheng cheng vang ngetsakna anei hi.

Khawmpi ading a mahni gari hun kitawl a hungpangte, akhuo khuo a gari hun hire te leh gari keng nih tieng nasan hun tawl a hungte Pathien in vangsak hen. Akhaw hausa leh sapchuomte, khawsung nulepa kuo mah a awng umlo a an leh tui ei buoipte, khuo kieng, khuo nai apat ei hung buoipte chuleh, Tuilanguol Khanglai-17 Organizing Committee & Biel KKP Standing Committee. ESC, Executive Committee van pawimawh cheng ei khelhsak,

lampi nawt na ding a JCB hun tuok Pu Thangpau, President, MPC. Tui haksat zieka generator & tui chawpna (tulu) ei khelh sakte, hall chung ding leh adang dang ei piete, tha leh zung itlo a sengte leh pauchamna a ana pangte cheng cheng Patien in hun vangsak chiet u hen. Alien, aneu, ahau, avai kibang in tuong ah gieh khawm ahi a, mess a an kidawh chiet ahi. Speaker leh Resource person dinga gam la pi-pi a kisam te: **Speaker:**

- 1) Evan. V. Lienthuom, Evangelist Atlarge, New Lambulane.
- 2) Rev. S. Thangcha Gangte, Asian Co-ordinator, International Partnership Ministry, USA.
- 3) Rev. T. Kampu, President, Asia Antioch Seminary, Guwahati, Assam.
- 4) Rev. Tongkhokap, Executive Secretary, Gangte Baptist Association.
- 5) Rev. Thangkhosiem, Executive Director, ESC.
- 6) Rev. Henkholien Gangte, Shillong.

Sharing na:

- 1) Pastor D. Ginsang, IPM, Missionary to Bangladesh, *Theological Education pawimawh zie*

Khanglai 2017

KHAWMPI REPORT



Evan. Paukhomang
Secretary, CKKP.

Synod Kristien Khanglai Pawl kum 60 titna Khawmpi (Khanglai-17 Conference) chuh Phaijang khuo ah date 19-22 January, 2017 sung thupi tak a mat zawh ahitai. A subuoi thei ding demonetization, UNC blockade leh MLA election ding ziek a le sukbuoi a umlo a lawhting tak a mat zawh ahihtak ziekin, Pathien lopina chang hen.

Malzin chieh khawm chuh 873 apha a, gari alien, aneu sim in sawmthumlenga (35) Phaijang khuo ah akitawl lut hi. Tunna leh giehna ahaksa ten a, khawlai leh mun awng cheng ah puonbuk (tent) akikai a, Pangen lam chan in malzin agiek a. Muntha chan ah gari'n puon ava dawl nalai hi. Malzin zagiet val leh khaw hieng hei Tangnuom, Pangen leh Muntha tawh kikhawm chuh a vantang in 900-1000 vel ahi zing hi. Meeting Hall chuh; avai 70 feet, adung 100 feet in akisa a akidim sek hi. Khawmpi a chieh khanglaite le afel thei u a, thunun nalam ale a camp camp in aki

giek a, buoina bangmah khawmpi sung in atung kha puoi. Chuleh, tiemteh tak khat chuh gari tampi aki chieh a, khatle buoilo in aki tung kit vekhi. Thugen lasak anuom thei a, khanglai Bible zil ding leh a hinkhuo Krista tawh mang khawm dinga kipie dawkw te ziekin le Pathien chuh avel in pahchak in um hen. Phai Biel KKP leh Tuilangkuol KKP te'n le meh ding bawng khat gel ahun tuok u a, nahchang nah chunganeh ahi. An ne manlo khawp a camera buoipih le aum dah puoi.

Tuchung khawmpi ahin Co-ordinator te leh organising

a chansak tai. Pastorpa chun Ditt kawm ah **“Kristien hung hithak na hia, na khuou a na kilehkit tieng, mite chun hun nuhsan ding ahiu a, chuleh hun sugimthei ding ahiu a, ziemai chu hilo in alak ua kipat hun nawhdawk ding ahiu hi. Zieziekchun, zie mun ahi na umphawt angai hi. Nasep ding hun piengka ting uh, na kivakna ding mu thei ding na hi. Chun, na zi hun pui inla, na zi le Kristien hung hi thei ding ahi”** tin agen sak hi.

Zie haw nung chun, Ditt chun kintakin a dawnga **“Pastorpa, hithei puona, ka khuou a ka chiehkitei ding ahi. Ka mipite hengilh theihlo ka hi. Amau haw ka lungsiet zing hi. Kristien ka hih ziek a taimang mai thei ka hi puo a, khutia mi dawilawkw chule ka hi puoi. Sepna ding deih zieka Kristien hung hi ka hi diek puoa. Nasep ding ka kinei hi. Ka khuou ah chiehkitei ingka ting, ka khuoteu cheng cheng Krista kengbula puihut ding ka hi. Amau hawle hukdam ahung hih theihna ding ua ka chiehkitei ding ahi”** tin a dawng hi

Ziephet chun, Pastorpa chuh, Ditt a dinga paucham in; Pathien in hatna apieka, Kristien hawihitak hung hi ding leh a khuo mite haw cheng Hukdamna huonga apuihlut theihna dingin, Pathien vangsakna angetsak hi.

Ditt chun pienpih pasal nga anei a; Shahbdike mun a chengkhawm ahiu hi. A Inkuon cheng cheng u chun mi sawmgup aphau hi. Kristien hita a ahung kileh kit chu amuh un, a Inkuonte cheng cheng chu Ditt chung ah alungna mah mah chiet ui. Lungna taka kiko khum in **“Asiezo kei na hi ta, kei haw nei musit hi. Mi ngawl na suoktai. Kei u tawh nekhawm, dawnkhawm thei talo ding na hi. Kivaihawmna mun (panchayat) a chu thei talo ding na hi. Kei haw tawh lehkhachep, chepkhawm thei talo ding”** tin nasatakin a suoisau hi. Chun, azi chun anak leh dawn ding haw a huonsak nuom ta puo a, anekkhawmpih nuom ta puoi. Akhuou a lalpa chun, nasep ding apie nuom ta puo a, mi hausa sum hawmte chun Ditt kawmah **“Kristien na hih ziekin, batin bangmah hun pie ta puonkau”** a tihsak ui.

Chamna Aw

Ziebang thil atuok nung chunle, Ditt chu Ginna achun dettakin aum zing hi. Chun, a suohpihte kawm ah “Kei chu manlohmai ka hi puo a, nang leh kei a dinga phachuom Hukdampa chu ka mu tai. Nangunle athu na zuih tieng uleh phachuom ding ahi” tin agensak hi. Azi a ding chun apha mah mah a, anek le chak ding ahihsaknuomloh ziek chunle a gai him him puoi. Khutibanga phatna a kilatsak ziekchun, a zi chun mak a sa mah mah a. Agamneitu chule azah mah mah a, masang a azahna sangin azahna chu asang zawsem hi. “Hepu na na chu ginumtakin sem ingka. Isu ka ho zieka chu bang ahim alamdanna um chuom? Tha khat zawh vel chun Gamneitupa chun nasep ding neukhat apie a, nasep dinga piek a umpen chu hawihtak in a sem a, kum ahungtawp phetin anasep manchu Kristien ahihna ziekin apie nuom ta puoi. Asep man pielo in sum abatsaka (loan) hi. Ditt chu amite tawh aumkhawm zing ua, amah chi, amite melma leh michuom in akikawih diek puoi.

Baptisma a chan zawh chawmkhat zawh a, azi'n Kristien ahihna zieka a gaih huna a gen chuh “Zie Pathien Thu haw hi hawihtakin ngai in. Lamdangtak hilo ahim? Nang inle bangzieka zuilo ding na him?” ati leh Azi chun “Kei! Numei ka hi a, zil theilo ka hi” tin a dawng hi. Ditt chun a zi kawm ah “Krista chun, Numei chu zil theihna a piei. “Zie ka gen nung nung hi hun zui in” Khutichun, Lalpa pauchamna chu vel sawmli vei hiel agenkhawm ua, maktak ma in a zi chunle ahun gen thei tai. Zie nung chun, a zi chunle Lalpa Isu thilhih lopi tak tak chanchin haw chu lunglut takin ahun ngaitha ta a. Mi gilote dinga Kross a thihna thu haw ahun hetin a manle, a lunggil chu Krista ahun pie tai. Chuleh, Ditt chanu chunle lunghei in Krista ahun tel hi. Zie nung chun a In kieng ua chengte chunle, Thusawmpiek haw Lalpa Pauchamna leh Thugin ahunzil ua, amau chule Kristien hi dingin thupukna ahun siem tau hi. Ditt baptisma a chanzawh tha thum sung chun, mi lite chuh Sialkot khuo a chun ava chieh ua, Baptisma a chang ua, akhuo lam u ah a kileh kit tau hi.

Chamna Aw

hung um ahi zawi. Kimuhsitna hi ahi helna tuntu laka ahat pen. Mahni mihiem chanpih muhsit, namdang muhsitna hin, helna hi atun sek ahi. Ziehun hin ahi, Sapchuom hi Chamna siem dinga sap a aum.

Lalpa Isu'n, Chamna siemte chu a hamphau hi ana tii, Sawlchak Paul in, “Na kam u ah thu phalo himhim pawt kihe'n, a kûl zie bang zela siem pha dingin thu pha pawt zaw hen, a ngaithate ding a lungsietna ahung hih theihna dingin” (Eph 4:29)

Tuni hin Lalpa'n, Sapchuom Committee, Numei Pawl, Missionary Baord, Khanglai Pawl leh Naupang Pawl te, I khawsung, vengsung a Chamna leh muonna tuntu, palai leh gentu muonum tak a pang ding in ei deih takzet ahi.

Laphuoktu'n

Kristien Labu 450 (B)

1. Isu'n evak sak, vak thiengtho takin,
Zana thaumei vak neu a vak tawbang in
Zie thimna khawvel ahin vak hitiu
Nang na umna mun ah kei ka mun ah.
2. “Isu'n eivaksak amah a ding in, Chientak in a mui I vak hawih leh hawih loh;
Van apat in aen I vak mudin
Nang na umna munah, kei ka muh ah.”
3. Isu'n eivak sak midangte a din.
Thimna chitin in khawel hi a tuomvel;
Gitloh, lungkhamna lak ah vak hitiu
Nang na umna munah, kei ka mun ah.

I umna mun chiet ah, Chamna siem a panga, vak zing thei dingin Lalpa'n ei umpih chiet tau hen.

* Hukdamna, Pienthakna thu kigenlohna sapchuom ah, Missionary, Pathien a dinga mihangsan pawt ngeilo ding ahi.

* Missionary nasep na a lunglutlo, pie ngamlo te mingawl ahiu hi. Alawkdan leh amantam dan ahetloh ziek un.

Chamna umna dinga, anasep hi atiemteh khamhi. A tehkhinna'n, Nagate'n August 14th 1947 ana phuong tau a, India Zalenna (Independence) hung pien masang in. Mahatma Gandhi inle, "Naga lawiupate thu ana piekna chun, "Nagate'n zalen theih nading bang cheng anei ui" ana tii.

Chun 1955 kum in India sepaih te'n Nagate umna ahun awpkhum ua, tichun Martial Law chu phuon ahung hita a, thagum suohna ahung sangto hiei hiei ta a. Chun 1960's leh 1970's sung a Baptist Church lawiupate panlakna/panhatna zal chun, zie thagum suohna chu tuktan ahung hita a. Chun zezawh zawh chun Shillong Accord chuh zikin ahung um ngal a, 1975 in India Government leh Naga mipiten, Nagaland ahin Christian hi kum 120 vel chauh a upa hizieng lele, chun titlahna tamtak gending um mahleh, Chamna aum theihna ding leh kituokna ding khat le khat kal ah na asem zing ahi.

Sapchuom chamna siem a, a panna hi Mizoram a alawhting diek na lai ahi. Kum 1958 in sazu tamtak in, lo a buh hi ahun susieu a, tichun Mizo gam achun kiel

(famine) ahung um ta a. Pawl khat, Mizo Cultural Front, chu Mizo National Famine Front a then (changed) in ahungum a, kum 1961 in Laldenga lawiupatna nuoi ah, zie pawl mah chu meithal chawi pawl a, san/then ahung hi kit a, ziechu Mizo National Front ahi. Ziechun, phatlam sangin sietlam anawt zaw ta a. Tichun, Sapchuom (denomination) Mizoram aum, Presbyterian leh Baptist panlakna'n chieh khawm in, Committee siem in, ziechu buoina sukbeihna ding leh chamna, banga pang dingin. Atawpin hung lawhting in, Mizo National Fornt chule thuzawh in dawhkan khat a, Mizo Accord zik khawm thei in ahung umtai. Zie chun, tuni chan a daih ta ahi. Tichun Mizoram chu India Mal-Suoh biel state ah a khangtoupem leh chamna umnapen tuni chan in a suok tai.

Tuni a Sapchomte masanga chouna um chu, Chamna puotu hih ding, helna lam zatchuom chuom a umna lak ah, Chamna Aw a suoh ding ahi. Khawvel kawm ah helna hi sumlepai neihloh ziek or chatgahna ziek chauh a hung um ahi puon; umdan pha, hindan hoih a, chatgahna ziek a

Zie thu chun a khuou a mi cheng cheng lungthim chu ahun khawih a, mi nga chu Kristien ahung hi tau hi. Ziephetchun, akhuo mite chun Ditt kawm ah " Kristien na hung hihna ziek un bang na muu em? Sum ahim, Panpihna, ahiahloh leh paisa (loan) ahim? Tin a dawng ui. Ditt chun a dawnga " Mi kuole sum/paisa zieka a sakhuo thengte chu mi dukdaklo leh mi-them ahi. Masanga kasep ngei ka sem hi. Ka In lui mah ah ka cheng hi. Kristiente akipatin bangmah ka mu puoi. Mahleh ka muh chu Sakhuo dik ka mu a, zie sakhuo a chun, Milim hona aum puo a, Brahman hona aum diek puoi. Chuleh, nam niem leh namsang aumchuom puoi. Bible Pathien thu, nam niem leh namsang kikhenna umlo, mi cheng kibang vekna chu ka nei hi. Zie khawvela mi cheng cheng hi unau vek ahi. Ziehi Sakhuo dik chu ahi. Sakhuo dik chu ka mudawk a, zieziek achi Kristien hung hi ka hi. Zie bang ahihna (testimony) chun a vengte lungthim chu akhawih mah mah hi. Ditt leh a Insung mite akipat chun, mi lite chun Kristiente thu dik chu ahun zil

ui. Ditt Baptisma a chanzawh tha gup nung in milite chu Baptisma chang dingin Sialkot ah apui hi. Tuhin Shahabdike khuo a chun mi kuo (9) Kristien ahung hi tau hi. Ziechun chun, Pastor chunle a khuou chu ava vehtha tai. Pastor in a khuou ava tawhthak hun chun, Ditt chun, mitamtakte chu Kristien sakhuo ah ana lunglutsak tai. Zie Kristiente cheng chu a khuou mah a chengin, a nasep chiet uh semin akhuosa zing ui.

Ditt in anasep pipen chuh, thilkhat chaw a zuoksawn zel chu ahi. Khuo chuom chuom ah thil zuokin a zin viel sek hi. Achiehna cheng a Chuhraste kawm achun "Ka lawite haw, ei uh Chuhraste hin, mawlana laka pat leh gitloh a kipat a pawtdawk theihna lampi I hawl dinguh ahi. I umnau sakhuo hin chuh ei u hi "Sukkhak theihloh"(untouchable) in ei gen hi. Ziechun bangkim ah ei sungawng hi. Hukdampa I nei puou hi. Ei haw bang bang mite hukdam dingin Lal Isu Krista ahung a, gitlohna laka kipat leh ngawanna akipat a, ei hukdam ding a hung ahi. Hinkhuo pha nei ding leh Van a chieh theihna ding

lampi ei siemsak ahi. Khutichun, Chuhras mite cheng cheng chun Isu Krista chu ahun pawmnuom chiet tau hi. Chuhras mite gen ding chuh “Kristien I hung hih u chun, insak leh inthangte I chan (thahsuok) dinguh ahi. Ditt chun akawm u ah, “Diklo hiel ahi! Kei ei en un, Kristien ka hung hi a, ni chawmcha sung chu deihlohin ka um ngei nai, mite ka chungah alungnau a, amasapen in, ka zi leh ka Insungmite leh khuo mite deihlohin ka um hi. Chun, awl awl in ka vengte le Kristien ahung hi tau a; Kum chawmcha sunga ka-vengte cheng Kristien hung hi ding ahiu hi. Krsitien hung hi phawt un. Midangten hun zui ding ahiu hi” tin agen hi. Zie thu chu aheth phet un, Chuhras mi tamtakte chuh Kristien ahung hi tau ui. Ditt a pienthak zawh kum 11 nung chun, Chuhras mi 500 hiel Kristien ahung hi tau hi.

Kum 1900 hun in Sialkot munte a Chuhras mite chuh akimkhat hiel Kristien ahung hi tau hi. Chun, 1915 kum in mi aza a sim chu Kristien ahung hih bek kit ui.

Ditt nasep lopitak ziek chun mipi 100,000 hiel Kristien ahung hi tau hi. Thim akipat vak ah apuilut hi, suok hihna akipat zalenna amu thei ui. Sialkot District a Chuhras mite Kristien ahung hihna ziek un, Punjab gam a Chuhras te chu Kristien ahung hi zel tau hi. Kum 1930 tiengin Gingtu 450,000 ahung hiu hi. Kum cheng in Gingtu chu apung zel ui. Tunaihcha khan Sialkot District a Kristiente chun Ditt, Chuhras mite hukdamna dinga Pathien mi mat, hetzingna ding Hoin lientak asau hi. (Zie hi Mission Frontiers March-April 2012 apat laksawn ahi).

CHAMNA SIEM; SAPCHUOM

Meshach, Chiengkawnpang



Mitamtak in a ngaklah leh muhnawp, aneu alien in van thak leh guolvakna huna I na mat sek ‘CHRIST-MAS’ hun hi ahi sek hi. Hukdampa Lalpa Isu, ‘Chamna Lal’ di’a pienna lawm dingin. Amah ana hete chu, thagau thiengtho umpihna’n, A chamna chu ana pie a. A hungkit phat leh a sukpitit ding, A lalgam mû (seed) tuh pat in ana um ta ahi.

Krista’n a nungjuite chu kihehpih tuoh a, chamna siem a het a I um, ei deihi ahihdan a gen hi (John 13:35). Na hinkhuo a Pathien vangsakna nachan ut a, acha a het aum na ut chun, chamna siem dan nazil angai hi. Isu’n agen hi, “Chamna siemte chu a hampahu ui, Pathien cha a vawh a hung um ding ahi ngal ua.” (Matt. 5:9). Zie hi hei tiu, Isu’n “Chamna deihte chu a hampahu hi” ati puoi. Aziek chuh mi chengin chamna I deihi ahi. Bangma’n a sukbuoi loh, kicham zingte le ati diek puoi. Isu’n “Chamna ding a nasemte chu a hampahu” buoina sukbeihna dinga pan late. Chamna siem hi nasep haktak ahih ziekin, a siemtu hi a tawm ahi.

“Chamna Lal” (Isai 9:6) ahih ngal chun, eile chamna siem hi I thil hih pawimawhte lak a khat ahih ding ahi. Isu “Chamna Lal” ahih guola, enle hangsan tak a, Chamna dinga pan I lak ding ahi.

Tuni hin, Chamna, eimah in-sung, mimal, khawsung, sapchuom ading ahin apawimawh tak zet ahi. Sapchuom hi khawvel ahih Chamna Leng/Lal palai, lunggil, a thu leh nasep in ahi. Sapchuom, hun chieh sa a, chamna siemna palai a, apanna hi thil het ut umtak ahi. Aziekchu I masang a pan I lakna ding lampi ei hilhtu (road map) ahih ziekin, Sapchuom panlakna hi tumasang guola pawimawh zing ding ahi.

Pathien in-kuon ading a siem in I um tau a. Amah chuh

India Mal-Suoh (North-Eastern States) gam a sapchuom in,